



Noregs
vassdrags- og
energidirektorat

Adresseliste

Vår dato: **08 MAI 2013**

Vår ref.: NVE 200803543-9 ksk/stp

Arkiv: 312 /052.7C

Dykkar dato:

Dykkar ref.:

Sakshandsamar:

Steinar Pettersen

22 95 94 03, stp@nve.no

Høyring - Kvennelvi kraftverk i Kvam herad, Hordaland

NVE har motteke søknad frå Småkraft AS om løyve til å byggje Kvennelvi kraftverk i Kvam herad. Kvennelvi kraftverk vil nytte eit fall på 115 m i Kvennelvi, eit sidevassdrag i Steinsdalsvassdraget. Inntaket er plantagt på kote 480 og kraftstasjonen på kote 365. Vassvegen på ca. 1350 m er planlagd nedgraven mellom inntak og kraftstasjonen. Det er planlagd ein 300 m lang veg til inntaket, og 80 m til kraftstasjonen, elles skal eksisterande vegar nyttast. Middelvassføringa er 1,63 m³/s og kraftverket er planlagd med ei maksimal slukeevne på 3,3 m³/s. Kraftverket vil ha ein installert effekt på 2,9 MW og etter planane gje ein produksjon på 9,9 GWh. Utbygginga vil føre til redusert vassføring på ei 1450 m lang elvestrekning. Det er planlagt slepp av minstevassføring på 70 l/s om sumaren, som er tilsvarende alminneleg lågvassføring.

Det er òg søkt om løyve etter energilova for bygging og drift av Kvennelvi kraftverk med tilhøyrande koplingsanlegg og kraftline.

Søknaden skal handsamast etter reglane i kap. 3 i vassressurslova og gjeld løyve etter vassressurslova § 8. Søknaden med vedlegg vert lagt ut på www.nve.no/konsesjonssaker, og den vert kunngjort av NVE. Kopi av kunngjeringa ligg ved. Viss de ønskjer papirutgåve av søknaden, kan de kontakte Småkraft AS v/Kari Seim på tlf. 55 12 73 24 eller e-post: kari.seim@smaakraft.no.

NVE ber kommunen på kvar utleggsstad leggje 2 eksemplar av søknadane ut til offentleg ettersyn fram til **28.06.2013**. Det eine eksemplaret kan, om naudsynt, lånast ut for kortare tid (2-3 dagar). Det andre må ikkje fjernast frå utleggsstaden.

Vi syner elles til vedlagde informasjonsark som forklarar sakshandsaminga frå saka vert sendt på høyring, til endeleg vedtak. Av dette går det fram kva for tilbakemelding vi ønskjer.

NVE føretrekkjer at fråsegner sendast oss elektronisk via www.nve.no/konsesjonssaker så snart som mogeleg og seinast innan **28.06.2013**. Det er og mogleg å sende fråsegner per e-post til nve@nve.no eller som post til: NVE, Konsesjonsavdelinga, Postboks 5091 Majorstua, 0301 Oslo.

E-post: nve@nve.no, Postboks 5091, Majorstuen, 0301 OSLO, Telefon: 09575, Internett: www.nve.no

Org.nr.: NO 970 205 039 MVA Bankkonto: 7694 05 08971

Hovedkontor
Middelthunsgate 29
Postboks 5091, Majorstuen
0301 OSLO

Region Midt-Norge
Vestre Rosten 81
7075 TILLER

Region Nord
Kongens gate 14-18
8514 NARVIK


Region Sør
Anton Jenssensgate 7
Postboks 2124
3103 TØNSBERG

Region Vest
Naustdalsvn. 1B
Postboks 53
6801 FØRDE

Region Øst
Vangsveien 73
Postboks 4223
2307 HAMAR

Fråsegner eller delar av fråsegna vert referert i eit endeleg vedtak. Om fråsegna er lang, er det derfor ein fordel om det vert lagt ved eit samandrag som kan brukast til dette.

Med helsing



Øystein Grundt
seksjonssjef



Steinar Pettersen
rådgjevar

Vedlegg: Adresseliste
 Kunngjeringstekst
 Informasjonsark om sakshandsaming
 Konsesjonssøknad (til Kvam herad)

Adresseliste for: Bygging av Kvennelvi kraftverk

Handsamast etter: Vassressurslova og energilova

Vert kunngjort av NVE ved CIA Media Marketing 1 gong i: [aktuelle aviser]

Tal på søknadar	Namn/adresse
1	Kvam herad, Grovagelet 16, 5600 Norheimsund
	Fylkesmannen i Hordaland, Postboks 7310, 5020 Bergen
	Hordaland fylkeskommune, Postboks 7900, 5020 Bergen
	Kvam Kraftverk AS, Postboks 64, 5601 Norheimsund
	BKK Nett, Postboks 7050, 5020 Bergen
	BKK Produksjon, Postboks 7050, 5020 Bergen
	Statens vegvesen Region vest, Askedalen 4, 6863 Leikanger
	Bergen og omland friluftsråd, Hellebakken 45, 5039 Bergen
	Forum for natur og friluftsliv i Hordaland v/Bergen Turlag, Tverrgt. 4/6, 5017 Bergen
	Naturvernforbundet Bergen og Hordaland, Postboks 1201 Sentrum, 5811 Bergen
	Norges Jeger og Fiskerforbund Hordaland, Tverrgt. 4/6, 5017 Bergen
	Bergen Turlag, Tverrgt. 4/6, 5017 Bergen
	Kvamskogen velforening v/Erik Bjerring Hansen, Postboks 245 Indre Arna, 5888 Bergen
	Kvamskogen næringslag, Postboks 5, 5601 Norheimsund
	Småkraft AS, Postboks 7050, 5020 Bergen
1	TBM –Katarina Eftevand (KACE)
1	TBD – Egil Hyllestad (EHY)
1	ER – Seming Skau (SHS)



ORIENTERING TIL HØYRINGSPARTANE (revidert februar 2013)

Generelt

NVE er konsesjonsstyresmakt i saker som gjeld utbygging av småkraftverk (inntil 10 MW) og andre vassdragstiltak. Kongen i statsråd gir løyve til større kraftutbyggingar.

Denne orienteringa gjeld saker der NVE kan gi løyve etter vassressurslova § 8.

Handsaming av søknaden fram til endeleg vedtak

NVE handsamar dei fleste av søknadane i grupper, vanlegvis etter geografisk plassering. Dette effektiviserer sakshandsaminga samstundes som høyringspartane og NVE kan sjå søknadane i samanheng.

NVE sender søknadane på høyring til kommunar, fylkesmenn, fylkeskommunar, statlege forvaltingsorgan og interesseorganisasjonar som søknadane vedkjem. Høyringsperioden er vanlegvis tre månader for søknadar som blir handsama gruppevis, og minst seks veker for enkeltsaker. Ein eventuell søknad om utsett frist må vere grunngeven. NVE ventar at høyringspartane gir fråsegn på sjølvstendig grunnlag. Vanlegvis blir det ikkje gitt løyve til søknad om utsett frist, dersom det kan forseinke sakshandsaminga.

Søkjar får høve til å kommentere innkomne fråsegner før NVE gjennomfører synfaring. Dei som har uttalt seg i samband med høringa, blir inviterte til å delta på synfaringa. I konsesjonsvurderinga veg NVE fordelar og ulemper mot kvarandre, jf. vassressurslova § 25. Olje- og energidepartementet har som overordna politisk styresmakt gitt retningslinjer for handsaming av små vasskraftverk. Desse er å finne på NVE sin nettstad: nve.no.

Dersom NVE gir løyve, blir det knytt vilkår til dette, jf. vassressurslova § 26. Vilkår vil omfatte mellom anna vasslepp, naturforvaltning, kulturminne, frist for bygging og sanksjonar ved eventuelle brot på vilkåra.

Kva forventar NVE av høyringspartane?

NVE ønskjer mest mogleg konkrete synspunkt på om løyve bør bli gitt eller ikkje, val av eventuelle alternativ og forslag om avbøtande tiltak. Fråsegner om energipolitikken til styresmaktene på eit generelt grunnlag, er av avgrensa nytte i sakshandsaminga.

Særleg der søknader blir handsama i grupper, ønskjer NVE synspunkt på den samla belastninga.

Dersom partane er kjend med tilhøve som det ikkje er opplyst om i tilstrekkeleg grad i søknaden, ønskjer NVE opplysningar om det.

Det blir forventa at kommunar, fylkeskommunar, fylkesmenn og andre styresmakter gir fråsegn med utgangspunkt i sine høvesvise ansvarsområde. Kommunane blir spesielt bedne om å vurdere søknadane opp mot gjeldande arealplanstatus.

Fråsegnene, opplysningane i søknaden og retningslinjene frå Olje- og energidepartementet er viktige for vurderinga og vedtaket til NVE.

Rett til motsegn og klage

Ein treng ikkje handsama energianlegg etter plan- og bygningslova, og det er ikkje lenger krav om reguleringsplan. For å ta vare på meininga bak motsegnsinstituttet i plan- og bygningslova, er det gitt reglar i energi- og vassdragslovgevinga om rett til motsegn og klage, jf. vassressurslova § 24. NVE vil understreke at ei eventuell motsegn må bli fremja i høyringsperioden. Sjå nettstaden vår for meir informasjon: nve.no/konsesjoner.

Partane kan klage på NVE sitt vedtak til Olje- og energidepartementet innan 3 veker frå det tidspunkt dei mottok orientering om vedtak. NVE syner til kapittel VI i forvaltningslova om klage og omgjerding.

- KUNNGJERING -

Søknad om løyve til å byggje Kvennelvi kraftverk i Kvam herad

Småkraft AS søkjar om løyve etter vassressurslova til å byggje Kvennelvi kraftverk i Kvennelvi i Steinsdalsvassdraget. Småkraftverket vil gi ein årleg kraftproduksjon på 9,9 GWh. Dette svarar til straumbruken til om lag 495 husstandar.

Søknaden med vedlegg er lagt ut til offentleg ettersyn på kommunehuset i Norheimsund, på biblioteka i Øystese og Norheimsund, og på NVE sine nettsider www.nve.no/konsesjonssaker fram til høyringsfristen går ut. Kontakt søkjar på tlf. 55 12 73 24 eller e-post: kari.seim@smaakraft.no om De ynskjer papirutgåve av søknaden. Fråsegn kan sendast oss elektronisk via www.nve.no/konsesjonssaker, per e-post til nve@nve.no eller per post til: NVE, Konsesjonsavdelinga, Postboks 5091 Majorstua, 0301 Oslo innan **28.06.2013**.